


## Svjetski dan svjesnosti o autizmu

Svjetski dan svjesnosti o autizmu, obilježava se svake godine 2. aprila.

Opća skupština Ujedinjenih naroda jednoglasno je proglasila 2. April, Svjetskim danom svjesnosti o autizmu kako bi istakla potrebu da se pomogne poboljšati kvalitetu života onih s autizmom tako da mogu voditi puni i značajni život kao integralni dio društva.

Autizam, ili poremećaji iz autističnog spektra, odnosi se na širok spektar stanja koja se karakterišu izazovima u socijalnim vještinama, repetitivnim ponašanjima, govoru i neverbalnoj komunikaciji.

Obilježavanje Svjetskog dana autizma ima za cilj podizanja svjesnosti o ovom složenom poremećaju u kontekstu etiologije, života sa autizmom i načina podrške djeci/adolescentima i njihovim porodicama. Znak svjesnosti autizma – puzzle  označavaju želju za povezivanje djelića i konačnim shvatanjem autizma.

Osobe s autizmom vide, čuju i osjećaju, ali te utiske teško sklapaju u smislenu cjelinu, pa se stoga povlače u vlastiti svijet u kojem nalaze sigurnost. Stoga osobe s autizmom imaju poteškoća u izražavanju svojih osjećaja, želja, potreba, sposobnosti i problema s kojima se svakodnevno bore, a što se odražava na njihovo ponašanje koje može biti vrlo neobično.

Da bi bolje razumjeli osobe s autizmom te njihov jedinstven pogled na svijet, uz istovremeno podizanje svjesnosti o poremećaju iz spektra autizma, pomoći će edukativni film „Događaju se čudesne stvari“ – <https://www.youtube.com/watch?v=qpzNoRLHIMw>

Pripremio stručni tim škole